









# مسیح نینک جماعتی .

کناہ غہ توشکان بنی آدم نی قوتقازغالی و خدانینک پادشاہ لیقیفہ  
انینک سوزینی قبول قیلغانلاردین بر قدس کروه ایلغانغالی پیغمبر  
لارنیک سوزیکا موافق کلکان عیسی مسیح جماعت نی بنا قیلغوچی دور .  
اول اوزیکا دعوت قیلغان شاگردلاری نینک کچیک جملہ سی  
جماعت نینک ابتداسی ایردی .

بو جملہ مسیح تعلیم بریب تورغان وقتدا درجہ بدرجہ تولاراق  
بولدی . مسیحی لارنیک اولقی عیدالحمسین کونیده روح القدس رسول  
لار اوستیکا کلکانی برلہ جماعت نینک چونک رواجی باشلادی . اول  
کونده جماعت کا اوچ مینک کشی قوشولدی .

خدانینک روحی و قوتی بیلان تولوب رسول لار و شریک لاری  
دارغہ تارتیلغان و اولوک لاردین قوپقان قوتقازغوچی بارہ سیدا انجیل  
نینک خوش خبرینی اولاً اورشلیم ده بشارت برور ایردیلار .

یہودی لار مسیحی لارنی قوغلاغانی واسطہ سی برلہ شاگردلار  
قدس ولایت ایچیدہ اطرافغہ تارقاشیب کتیلار . اول قوغلاغانی  
برلہ مسیحی لارنی یوق قیلغانی قصد قیلدیلار بلکہ بو ایش انجیل نینک



چونك رواجيفه سبب بولدى (رسول لارينىك ايش لارى ۷:۸) اندىن  
كىن هم ترسليكده و هم رواجده انجىل بشارت بربلكان و مسيحي  
جماعت لارى يقيناً تمام ير يوزيده پيدا بولغان ايكان.

## جماعت نينك نيمه ايكاني كتاب المقدس كاموافق.

جماعت ديكان سوز نينك معنى سى خلق جمعى ايكان شونينكغه  
اوخشاش افسوس شهريده پاولوس رسول غه غلبه ككتوركان خلققه  
جماعت اسم قولويوب دور (رسول لارينىك ايشلارى ۱۹:۲۳-۴۰) و هم  
شرعى محكمه جماعت اتانيب دور (و هم اوشبو باب ۲۹ آيت) رسول  
لارى نينك كتايپدا (۷:۲۸ آيت) طور سينا بيابانيدا جمع بولغان نى اسرائيل  
بيابانداكى جماعت اتانغان ايكان كين جماعت ديكان سوز مسيحي ليك  
جماعتى باره سيده خاص بر اسم بولدى.

و اول خدانينك جماعتى (قورونتوسلوق لارغه پوتوكان برنجى  
خطى ۱:۲ آيت) هم مسيخ نينك جماعتى (روماليق لاركا پوتوكان  
خطى ۱۶:۱۶ آيت ده) هم مقدس لارينىك جماعتى (قورونتوسلوق لار  
كا پوتوكان اولقى خطى ۱۴:۲۴) هم تولاراق يالغوز جماعت اتانور.  
بو سوز لاركا قابلاساق بيلورمىز كه مسيحي ليك نينك جماعتى مقدس  
لارينىك بر جماعتى ايكان. بر مقدس عمومى كليساكا و مقدس لارينىك



جماعتیکا ایشانورمن دیب مسیحی لارنینک اوز اعتقادیدا پوتولکان کا موافق  
ایمانینک واسطهسی برله خدانینک کی و مسیح نینک کی راست  
بولغانلارنینک همهسی مقدس دورلار.

مونینک اوچون جماعت مسیح نینک بدنی اتانور (افسوس لارغه  
پوتوکان خطی ۲۳:۱- و ۱۱:۴-۱۲ آیت) و مسیح نینک عروسسی  
(مکاشفات یوحنا لاهوتی ۷:۱۹) خدانینک بیتی و ساکن اوی  
(افسوس لارغه پوتوکان خطی ۲:۲ آیت) خدانینک و مسیح نینک  
پاتهسی (انجیل یوحنا ۱۶:۱ آیت) پطروس رسول نینک اولقی خطی  
۲:۵ آیت (و رسول لارنینک ایشلاری ۲۵:۲ آیت) یاکه مسیح جماعت  
کا محبت کورساتیب اوز جانی نی اینک اوچون تاپشورغان دیب ایتیلغانی  
برله معلوم بولورکه جماعت دیکان بارچه یر اوستیده بار مقدس لار  
نینک جمعی ایکان.

و رسول لار ایشانکان لارنی همیشه اولانغان جماعت دیک کوروب  
ایردیلار اولارنی یرده ساچیلغان تاشلاردیک و یا بربریدین جدا  
بولغان اعضالاردیک کورماب دور بلکه اولارنی بربریکا یملاشتوروب  
تاشلاردین قیلغان بر اویدیک یاکه هیم بولغان اعضالاردیک کوروب دورلار.  
بو جمع هر طرفیکا تارقاشیب کتیلار و تارقادیلار مونینک  
اوچون فلان فلان شهرنینک جماعتی دیب مثلاً روما افسوس



قورونتوس ویا فلان فلان اوی نینک جماعتی و یا فلان فلان ولایت  
 نینک جماعت لاری باره سیده ایتیلور. مونیکن برله بر تعین جایدایکی  
 جماعت ۵۴ ایکانی هم معلوم بولادور. بر جایدایکی جماعت مسیح نینک  
 تعین جایدایکی جماعتی ایکان. مقدس لار نینک جماعتی نینک تمامی صفت  
 لاری و اسم لاری هم بر جایدایکی جماعت نینک کی دور.

## جماعت کا قوشولماق اوچون لازم صفت لار.

مسیح نی اغزی برله اقرار قیلیب جماعت کورالکودیک شو اقرار  
 نینک راستلیقی نی عمل لاری برله کورساتکان هر بر کشی جماعت کا  
 قوشولماق حقیق بار. عمل لاری برله اغیز اقرار نی کورساتسه و یا  
 کورساتسه مونیکن باره سیده جماعت حکم قیلادور. بر کشی اغیز  
 اقراری قیلیب شو اقرار یغه موافق عمل کلتوروب بر ریا قیلغوچی  
 بولسه کونکلی نی بیلادورغان خدا خاص حکم قیلادور. آدم لار فقط  
 کوزکا کورونکان نی بیلادور. شونینکغه اوخشاش بر کشی راست  
 مسیحی بولسه لیکن جماعت اینک روحانی عاجزلیقی اوچونانی مسیحی دیک  
 کورالماسه جماعت نینک شریک لیکیدین منع قیلسه جائز ایماس. عدالت کا  
 موافق شبو احوال نی تحقیق قیلغالی جماعت نینک چونک و ترس  
 بر حکمی دور چونکه بر راست ایشانکان نی جماعت نینک شریک لیکیکا



منع قیلیشی بر ریا قیلغوچی جماعتده توروشیدین خطا ایکان.  
اینکده بار میوه کتورمایدورغان شاخلار باره سیدا ایتیلغان  
قوتقازغوچی نینک سوزیکا قایلایلی (انجیل یوحنا ۱۵: ۲-۶ آیت) اولار  
جماعت کا قوشولغان احتمال بر وقت تریک مسیحی بولغان لیکن اولار  
انداغ کورونسه هم حاضر ایماس. و ینه اون باکره قیز باره سیدا  
یتولکان مثل دین کورورمیزکه خداوند کلیب کونکلی نینک سرلاری  
آشکارا قیلغونچه نادان باکره قیزلار دانالارغه تمام اوخشادی  
(انجیل متی ۲: ۵)

## جماعت نینک تحقیق قیلماقی.

مسیحی لیک نینک اولقی وقت لاریدین بری راست مسیحی بولغان  
جماعت لار ایچیده ینکی عهد نینک تعلیمی کا موافق تحقیق قیلینیب  
دور و شو تحقیق قیلیشیغه عیسی مسیح نینک شو سوزی دلیل دور  
یعنی: (انجیل متی ۱۸: ۱۵-۱۷) اگر برادرینک بر کناه قیلغان بولسه  
قاشیغه باریب یالغوزلیقیدا انی نصیحت قیلغیل سوزونک نی انکلاسه  
برادرینک نی تاپیب دورسن لیکن انکلاماسه اوزونک برله بر و یا  
ایکی کمرسه نی الغیل که هر سوز ایکی یا اوچ کواه نینک اغزی بیلان  
محکم قیلینغای و اولار نینک سوزینی انکلاماسه جماعت کا ایتقیل و جماعت



نينك سوزيني انكلاماسه سنينك الدينكده بُت پرست و باجكبر  
ديك بولغاي .

جماعت ايجيده بار كناه برله جنك قيليب آشكارا ريا قيلفوجي  
لارني اراسيدين چيقارسه مقدس لارنينك جماعتي ديكان صفتي تورا  
دور آشكارا بولمغان ريا قيلفوجي جماعت ايجيده بولسه هم مقدس  
لارنينك جماعتي ديكان صفتي يوق بولماس اما كناه بيلان جنك  
قيلغالي و تقديس ني ايستاكالي توختاسه مقدس لارنينك جماعتي  
بولماس . مثلاً بر بقداي زراعتيدا بر نچه تال اوت بولغاني برله انينك  
بقداي زراعتي ديكاني يوقلماس اما اوتلوق يرده بر نچه بقداي دانه سي  
اونوب چيقتسه هم بو اوتلوق دا اونكان بقداي زراعتي  
بولمايدور .

جماعت بولسه بر ايشانكان برله اوخشاش ايكان . اول خدانينك  
عنايتي برله مسيحنينك اعتقاديدا كناه برله جنك قيلفونچه اول بر  
مسيحي ايكان اما شو جنك قيلغالي و تقديس ني ايستاكالي توختاسه  
انينك مسيحي ليكي يوقالور .

### جماعت نينك بركتي .

مسيحي ليك نينك جماعتي بر تعين طريقه دا خدانينك و مسيح



نينك مجتتبيكا بر منظر ايكان يعنى خدانينك و مسيح نينك محبتى  
 مسيحى ليك نينك جماعتىكا تيمكادور. شونى آشكارا قيلماق اوچون  
 خدانينك بو سوزلارنى كورساتورمىز: مسيح جماعتنى  
 دوست توتوب اوزىنى اولومكا بردى تاكه اوزىكا داغى و عيى  
 و يا مونكا اوخشاش بر نرسهسى بولماغان بر مقدس داغ سز  
 و عيب سز و جلال ليق جماعت طيار قيلماق (افسوس لوقلارغه پتوكان  
 خطى ۲۵:۵-۲۷) خداوند جماعتنى بر تال ليققه اوخشاتقاندا اول  
 ايتادور: من خداوند انى ساقلارمن و پات پات انى سوغارورمن انى  
 كچه و كوندوز ساقلارمن تاكه انى بوزماقايلاز (اشعيا ۳:۲۷) جماعت  
 مسيح نينك شفاعتىكا بر منظر دور و بو كلادورغان سوزلاردين  
 معلوم بولادور: من اولار اوچون يالبارورمن دنيا اوچون  
 يالبارماسمن ليكن سنينك منكا بر كان لارينك اوچون چونكه اولار  
 سنينكى دورلار (انجيل يوحنا ۹:۱۷) پس انينك واسطهسى برله  
 خدانينك آديغه كلكانلاركا شفاعت قيلماق اوچون هر وقت تيريك  
 بولماق آخرنجه اولارنى قوتقازغالى هم قادر دور.

جماعت هم بر روحانى برادرليك ايكان و انينك شريك لارى  
 محبت ده بربريك روحانى و جسمانى طرفيدىن يارى برور. اول  
 اوزى بوردا بولغانديك توردا يورساك بربريمىز برله شريك ايكيكىمىز



بولوب خدانينك اوغلى نينك قانى بيزنى كناه دين پاكيزه قيلور (يوحنا رسول نينك اولقى خطى ۱: ۷) بيز اولوم دين تيريكليك كا كوچكانيميزنى بيلورميز چونكه برادرلارنى دوست توتارميز (يوحنا رسول نينك اولقى خطى ۱۴: ۳) سيز همه نكيز برادر دور سيزلار (انجيل متى ۲۳: ۸) و اكر بر عضو زحمت تارتسه همه عضولار نينك برله زحمت تارتار لار اكر بر عضو عزت تاپسه همه عضولار نينك برله خوش بولورلار (پولوس قورونتوسلوق لارغه اولقى خطى ۱۲: ۲۶)

خدا اوزنى دنياده بار انسان لارغه بيليندورماك اوچون مسيح نينك جماعتىكا اوز روحىنى و سوزىنى تاپشوروب دور و جماعت اوز ايچيده قوتليك بولوب ياسالماق اوچون قدس وسيله لارنى برب دور.

## جماعت كا بيورغان احكام.

خدا دنيادا جلال تاپاق اوچون و كناه نينك پست ليكيدن آدم لارنى كوتارماك اوچون مسيحنى اباريب دور اول آسمانغه چيقاندين كين شو امرنى جماعت كا تاپشورغان ايكان و اول اوز باره سيده من دنيا نينك نوري دور من ديكانديك شونداغ هم اوز شاگردلاريفه ايتي: سيزلار ير نينك توزى دور سيزلار ليكن توز نينك تاتقى يوقالسه اوزى نعه برله توزلنور اول هيچ نرسه كا يراماي تاشقارى



تاشلانیب خلق نینک ایاغلاریغه باسیلور. سیزلار دنیا نینک نوری دور سیز  
 لار تاغ اوستیداکی شهر پنهمان بولالماس چراغ نی یاقیب قاچه نینک آستیدا  
 قویمانسلار لیکن اویداکی لار نینک بارچه سیغه یاروغلوق برماک اوچون  
 چراغ پایه نینک اوستیدا قویارلار شونداغ نورونکیز آدم لار آلدیده  
 یاروغلوق برسون که یخشنی عمل لارینکیزنی کوروب آسمانلارداکی  
 اتانکیزغه حمد ایتسونلار (انجیل متی ۵ : ۱۳ - ۱۶ ایت)

نور طبیعت کا ایسیغلیق و تربکیلیک کلتور کاندیک جماعت هم  
 کناه دین بوزولغان و قرانکغو بولغان دنیا دارو حانی تربکیلیک و نور نینک  
 کوتار کوچی سی بولسون. بو سوز نینک بجا کماکی اوچون نهایت ضرور که  
 جماعت نینک هر بر شریکی نینک عمل لاری شوبداغ قرانکغولوق نی  
 چیقارارورغان بر نور و سیسیق نی یوقا تادورغان بر توز بولسون جماعت  
 نینک بر شریکی انجیل غه موافق رفتار قیلماسه خدانینک و مسیح  
 نینک اسمیغه دشنام قیلور و خدانینک ایشی نی آدم لار نینک نجاتی  
 اوچون توسادور همه قوم لار غه خدا باره سیدا تعلیم برکالی جماعت  
 نینک چونک احکامیدین بری دور شو جماعت کا بریلکان احکام عیسی  
 مسیح نینک سوزیدین معلوم بولادور. و عیسی اولار نینک الدیغه کلیم  
 سوز قیلیب ایی: آسمانده و یرده همه قدرت منکا بریلدی پس باریب  
 همه طائفه لارنی شاگرد قیلینکلار و اولار غه اتا اوغل و **روح القدس**



نېنك اسميكا تعميد برينكلار من سيزلار كا امر قىلغان نېنك همه سېنى  
توتماقنى اولارغه اوركاتينكلار و من عالم نېنك آخرى غچه هر  
كون سيزلار برله بولور من (انجيل متى ۲۸: ۱۸-۲۰)

شو احكام لارنى بجا كلتورماك اوچون و جماعت قوتليك بولوب  
ياسالماق اوچون جماعت كا باشقه باشقه عطيه برىلىب دور و مونيكنك  
باره سیده پولوس رسول پتوب دور: بعضيلار كا رسول لوق و بعضى  
لار كا پيغمبرليك و بعضيلار كا بشارت چىليك و بعضيلار كا پاته چىليق  
و اوستادلىق بردى مقدس لار نېنك كامل لىق اوچون خدمت نېنك  
ايشى اوچون مسيح نېنك بدنى نېنك يسالماقى اوچون تاكه همه ميز ايمان  
نېنك برلىكىكا ابن الله نېنك معرفتىكا كامل آدم كا مسيح نېنك كمالى نېنك  
بويى نېنك اندازه سيفه يتكايميز تاكه موندىن كين آدم لار نېنك حيله  
لارى و مكربى برله تعليم نېنك هر شماليدين پریشان و اويانغه بويانغه  
كوتاريلكان بلالار بولماغايميز بللكه محبت ده صادق بولوب هر نرسه ده  
اول باش بولغان مسيح كا اوسكايميز كه اينكلدين بارچه بدن هر جزئى  
نېنك اوز اندازه سىچه ايش كا مناسب هر بغيش هر ارتباط برله بر بريك  
كېرىشيب تركيب برله بدن اوز تعميرى اوچون محبت ده اوسوشنى تاپار  
(پولوس رسول نېنك افسوسلوق لارغه پتوكان خطى ۴: ۱۱) و رومالىق  
لارغه اول پتويدور (۱۲: ۱-۴-۸) پس اى برادرلار خداينك



مرحمتی بر لاله سفید لار کا یا بارور من که روحانی عبادت نی دیب اوز بدن  
 لارینکیزی بر تریک و مقدس و خداغه مقبول قربان توتقایسینزلار  
 نچوک که بر بدنده تولا اعضا لاریمیز بار دورلار و اعضا لارینک همه  
 سی نینک ایشی بر ایماس شونداغ هم بیز تولا بولغان برله مسیح ده  
 بر بدن دورمیز و بر بریمیز نینک اعضا لاری دورمیز لیکن بیز کا بریلکان  
 توفیق غه تورلوك تورلوك عطا لاریمیز بار پیغمبر لیک بولسه ایمانغه نسبت  
 برله یا جماعت کا خدمت بولسه خدمت ده یا معلم بولسه تعلیم ده یا  
 نصیحت بر کوچی بولسه نصیحت بریشده تقسیم قیلغوچی لیکده پیشوا  
 جهد برله مرحمت قیلغوچی رضا برله بولسون. مونیکن دین کورور  
 میز که بر بریکا اوخشاماغودیک عطیه لار باشقه باشقه جماعت نینک شریک  
 لاریکا بریلیب دور اما بو بر بریکا اوخشاماغان عطیه لار بیلان واحد روح  
 ایشلاب تورادور. بو وجهیدین هیچ کشی انکا بریلماکان عطیه نی  
 ایستاماسون بلکه هر بری امین لیک برله خدا انکا برکان عطیه نی  
 ایشلاتسون. شونی ینه روشن قیلیب دلیل کلتورماک اوچون پولوس  
 رسول نینک بو سوزینی کورساتورمیز: لیکن هر بریکا روح نینک الهامی  
 فائده اوچون دور چونکه بریکا روح واسطه سی برله حکمت سوزی  
 بریلور ینه بریکا اول روح غه موافق معرفت سوزی ینه بریکا  
 شو روح برله ایمان و ینه بریکا شو روح برله شفا برما کایک عطا لاری



و ینه بریکا معجزه قیلماغلیق و ینه بریکا پبعمبر لیک و ینه بریکا روح  
لارنی تمیز قیلماغلیق ینه بریکا تورلوك تورلوك تیل لارنی و ینه بریکا  
تیل لارنینک ترجمه سی لیکن مونینک همه سی نی قیلغوچی اوز خواهلاغا  
نیدیک هر بریکا باشقه باشقه تقسیم قیلغوچی بر روح دور.

نچوك كه بدن بر دور و اینك تولا عضولاری بار دورلار و بدن  
نینک عضولاری تولا بولغان بیله بر بدن تشکیل قیلورلار مسیح ده هم  
شونداغ دور چونکه بیزلار یهودی یا یونانی، قل یا آزاد بولساق همه میز  
بر روح برله بر بدنکا تعمد الیب دور میز و همه میز بر روح دین ایچیب  
دور میز چونکه بدن هم بر عضو ایماس بلکه تولا عضولار دورلار اگر  
پوت ایتسه قول بولماغایم اوچون بدن دین ایماسمن شونینک اوچون بدن دین  
بولماسمو و اگر قولاق ایتسه کوز یولماغایم اوچون بدن دین ایماسمن شو  
نینک اوچون بدن دین بولماسمو اگر همه بدن کوز بولسه قولاق قاید  
بولور ایردی اگر همه سی انکلاماغلیق بولسه بوراماغلیق قاید بولور  
ایردی لیکن اعدی خدا عضولارنینک هر برینی اوز اراده قیلغانیدیک  
بدنده بولک قویوب دور لیکن اگر همه سی بر عضو بولسه ایردی بدن قاید  
بولور ایردی.

پس اعدی عضولار تولا بولغان برله ینه بر بدن دور کوز قولغه سنکا  
محتاج ایماسمن دیالماس باش هم پوت لارغه سیزلارکا احتیاجیم یوق دیب



ایستاماس بلکه بدن نینک ضعیف راق کورونکان عضولاری اوشوغراق  
 لازم دورلار بدن نینک حرمت سز سانالفان عضولاریمیزغه اوشوغراق  
 حرمت برورمیز بیزنینک خجالت لیک عضولاریمیزنی اوشوغراق ادب  
 برله کیدورورمیز اما ادب لیک عضولاریمیزنینک هیچ بر احتیاجی یوق دور  
 لیکن خدا او کسوک عضوغه اوشوغراق عزت بریب بدننی امتراجدا  
 قویدی تاکه بدنده مخالفت لیک بولمای اتفاق برله بربرلاری اوچون  
 اندیشه قیلغایلار. ---

لیکن سیزلار مسیح نینک بدنی و اینک باشقه باشقه عضولاری  
 دورسیزلار پس خدا بعضی کمرسه لارنی اولاً رسول لارنی ایکنجی  
 پیغمبرلارنی اوچونجی استادلارنی کین قدرت لارنی و موندین کین  
 شفا برماکلیک عطالارنی یاری برماکلیک لارنی تدبیرلارنی و تورلوک  
 تورلوک تیل لارنی قویوب دور. همه سی رسول لارمو همه سی پیغمبر  
 لارمو همه سی استادلارمو همه سی قدرت صاحب لاریمو همه سی  
 نینک شفا برماکلیک عطالاری بارمو همه سی تیل لار برله کب قیلور  
 مو همه سی ترجمه قیلورلارمو لیکن اولوغراق عطالارغه غیرتلیک  
 بولونکلار. (قورونتوسلوقلارغه پتوکان اولقی خطی ۱۲: ۷-۳۱.)

اعتقاد و امید و محبت خدا جماعت کا برکان عطیه نینک اولوغی  
 محبت ایکان و اینک باره سیدا پولوس رسول ایتادور: اگر من آدم



لار نینک و فرشته لار نینک تیل لاری برله کب قیلسام لیکن مجتیم بولماسه  
 اول وقت من بر اون برکان میس یا جرینکلاغان قونکروغو بولوب گذور  
 من و اکر پیغمر ایکیم بولوب همه سرلارنی و شمه معرفت نی بیاسام و تاغ  
 لارنی اورنیدین کوچور کوچه لیک پوتون ایله بولسه لیکن مجتیم  
 بولماسه هیچ نمه ایمامن اکر بارچه مالیم نی فقیر لار کا ایدور سام و بدیم  
 نی کویکالی تاپشور سام لیکن مجتیم بولماسه منکا هیچ بر نفع قیلماس  
 محبت نینک کونکلی کنکرو محبت مشفق دور محبت حسد قیلماس  
 یوعانلیق قیلماس فخر قیلماس بوزوق ایش قیلماس اوز نفعی نی ایستاماس  
 اچینی کلاس کینه توتاس ظلم غه خوش بولماس بلکه حقیقت برله خوش  
 بولور هر نرسه کا تحمّل قیلور هر نرسه کا ایشانور هر نرسه کا امید  
 قیلور هر نرسه کا صبر قیلور. قورونتوسالوق لارغه پتوکان اولقی  
 خطی ۱۳:۱-۷)

هر بر کشی خدا انکا برکان عطیه لارنی قانداغ ایشلاتکانی  
 اوچون اخردا خدایینک الیده حساب برادور و مسیح بینک بو مثلی  
 شونی کورساتادور: بر خواجه زاده اوزیکا پادشاه لیق منصب الماق  
 اوچون بر یراق یورته باریب کلماچی ایردی اوز اون قلینی قحقیریب  
 اون یامبو باریب اولارغه ایی: من کلکونچه سودا قیلینکلار لیکن  
 اینک شهری بینک خلقی انی یمان کورکاج کینیدین ایلیچیلار ایباریب



ايتىلار بيز نينك اوستوميز كا انينك پادشاه ليق قىلشنى خواھلاماسمىز.  
 و واقع بولدىكە اول پادشاه منصبى اليب كلكاندين كين ۴۴ سودا  
 قىلغانىنى بىلماك اوچون كموش تاپشورغان قىل لارينك هر برىنى اوز  
 الدىغە قچقىرغالى امر قىلدى اول وقت اولقى سى كليب ايتى: اى خواجه  
 يامبونك دا اون يامبو فائده بولدى و اول انكا ايتى: افرىن اى نىخشى قىل  
 سن آردا امين بولغانينك اوچون اون شھرىنك اوستىكا حاكم بولفيل و  
 ايكىنجى سى كليب ايتى: اى خواجه يامبونك دا بش يامبو فائده بولدى و  
 انكا ايتى: سن هم بش شھرىنك اوستىكا حاكم بولفيل و ينه برى  
 كليب ايتى: اى خواجه منا يامبونك ياغلىققە چكىب يانم دا ساقلاديم  
 چونكە سن قاتىق بر آدم سن اوزونك قويماننى اليب اوزونك  
 تريماننى اورارسن مونينك اوچون سندن قورقتوم و اول انكا  
 ايتى: اى يمان قىل سنى اوز اغزىنكدين حكىم قىلاى منينك قاتىق آدم  
 بولغانىنى و قويماننى اليب تريماننى اورادورغانىنى بىلور  
 ايردينك پس ۴۴ اوچون كموشومنى صراف لارينك جوزە سىدا  
 قويمادينك من كلكانده انى فائده سى برله الور ايردىم و حاضر داكى لارغە  
 ايتى: يامبونى اليب اون يامبوسى بولغانغە برىنكلار و انكا ايتى: اى  
 خواجه انينك اون يامبوسى بار سىزلار كا ايتور من هر كىم نينك بار بولسە  
 انكا برىلور و هر كىم نينك يوق بولسە بارى هم اندين الينور ليكن اولار



نينك اوستيكا مينيك پادشاه قيديشيم نى خواھلاماغان دوشمن لاريم نى  
 كاتوروب مينيك اليمدا هلاك قيلمىنكلار (انجيل لوقا ۱۹: ۱۲-۲۷).  
 عطيه نينك چونكاوقى غه موافق ايماس بلكه امين ليككا موافق اجر  
 تيكادور خدا اوز اسمى نينك جلالى اوچون و آدم لار نينك نجاتى  
 اوچون بيزكا بركان عطيه لارنى ايشلاتكالى همه ميزكا فرض دور هر  
 بر ايشانكان كشيكا انجيل نينك بشارت بريشده يارى بر كالى فرض  
 ايكان تولا ايشانكانلار انجيل نينك بشارت بريشيكا كيرساك اوبدان ايكان  
 ليكن كيرماساك كناه ايماس ديب بايچيده فكر قيلور اولار خدا نينك  
 باشقه امرى باره سيده اولارنى توتساق اوبدان ليكن اولارنى توتساق  
 كناه ايماس ديسه قايداغ بولور هر كيم مسيح اوچون جمع قيلماسه اول  
 جمع قيلادوغانى نى پراكنده قيلغوچى بولور.

همه دنياده بار مسيحي لارنى قايسى اقليم دين بولسه خواه اير خواه  
 مظلوم بولسه بر قيلغالى جماعت نينك چونك احكامى دور. مونده  
 نه يهودى بار و نه يونانى نه قل بار و نه آزاد نه اير كشى بار و نه  
 خاتون كشى چونكه همه نكيز مسيح عيسى ده بر دور سيزلار (پولوس  
 رسول غلاطيه ليق لارغه پوتوكان خطى ۲۸: ۳) همه ايشانكانلار نينك  
 خواجه سه بر يعنى مسيح همه سى نينك اتاسى بر يعنى خدا اولار  
 نينك اميدى بر يعنى عيسى مسيح ده ابدى نجاتنى تاپماق موندنك



واسطه سی بیلان ایشانکانلار بر بدن کا یعنی جماعت کا توتاشلیق اندا بر روح یعنی روح القدس سلطنت قیلور مونیکنک اوچون روح نینک برلیکی نی سلامت نینک باغی برله ساقلاغالی جهد قیلسونلار .

برلیک نینک کامل لیکی نی کورساتماک اوچون عیسی مسیح ایی: ویاغوز بولار اوچون یالبارماسمن لیکن بولار نینک سوزی برله منکا ایشانکانلار اوچون هم یالبارورمن تاکه بارچه سی بر بولغایلار ای اتا سن منده و من سنده بر بولغاندیک اولار هم بیزده بر بولغایلار ( انجیل یوحنا ۱۷ : ۲۰ - ۲۱ )

## جماعت نینک کامل بولماقی .

جماعت نینک کامل برلیکی اولاً خدانینک پادشاه لیقیدا بحا کلادور خدانینک شو پادشاه لیقی وانینک جلالی باره سیده هم کهنه عهد نینک هم ینکی عهد نینک قدس لاری پیغمبر لیک سوز قیلیب دورلار اشعیا پیغمبر نینک کتابیدا او قوعیز ( ۹ : ۳ - ۵ - ۷ ) ملت نی آووتوب اینک خوشلو قی نی چونک قیلدینک اولار سنینک آدینکدا اورما وقتیدا خوش و اونجه نی بولوشکانده خرسند بولغاندیک شاد بولورلار .

چونکه مدیان کونی داکی دیک اینک یوکی نینک بیونتوروقی و اوشنه سی نینک تیاقی نی اولارغه ظلم قیلغوچی نینک عصاسی نی سیندوردونک



چونکه نعره تارتقان غازیلار نینک یراغلاری و قانغه بویالغان لباسلار کویوب  
 اوتقه طعمه بولور . . . . . داود نینک تختیدا و پادشاه لیقیدا سلطنتی نینک  
 زیاده بولماقیغه و سلامتیگا نهایت بولماس تاکه حاضر دین ابدغچه انی حقیقت  
 و عدالت بیلان ثابت قیلیب قوتلاندور کای خداوند صباوت نینک غیرتی  
 مونی قیلور. خدا نینک پادشاه لیقی نینک کنکر ولیکی نی و بوزولماس لیقی نی کورسا  
 تادورغان عجایب پیغمبر لیک سوز دانیال پیغمبر نینک کتابیده بار ایکن  
 بابل نینک قوتلیک پادشاهی نبوکدنصر بر کیچه اوزینی تولابی آرام قیلا  
 دورغان بر توش کوردی بابل نینک دانشمندلاری دین هیچ بری خواه  
 توش نی خواه تعبیری ایتیب برالمادی اما خدا الهام بیلان دانیال پیغمبر غه  
 توش نی و تعبیری بیلدوردی پادشاه التوندین و کمرش دین و میس دین و  
 تموردین و لای دین یاسالغان چونک بر صورت نی کورکان و هم قایداغ  
 قورام دین بر تاش ایریلیب توشوب تموردین و لای دین یاسالغان پوتلار غه  
 تکدی مونونک بیلان صورت و اینک زینت لاری شمال دین اوچورولوب  
 چیقان اوچقوندیک یوق بولوب کتی اما کچیک تاش اوزی تمام یر یوزینی  
 تولدورادورغان بر تاغ بولدی و تعبیری انداغ: صورت اوزی بر بری نینک  
 ارقه سیدین قوپوب توشکان تورت چونک دنیا پادشاه لیقی نینک صورتی  
 ایردی و قورام دین ایریلغان تاش باره سیده و صورت نینک یوقا تیلماقی  
 باره سیده پیغمبر ایتادور که و اول پادشاه لار نینک کونلاریده آسمانلار



نينك خدایى ابدىچە بوزولمايدورغان بر حكومت تورغوزور و حكومت  
 بولك هيچ طائفه كا تاشلانماس اول بو حكومت لار نينك بارچه سى نى  
 ايزيب يوق قىلور و اوزى ابدىچە ثابت تورادور (دانيال نينك كىتابى ۲: ۴۴)  
 حاضر قى وقت دا شو پادشاه ليق نينك شريكلىكى غه و اينك مبارك بر كىتيفه  
 دعوت قىلينيور. مكاشفات يوحنا ده او قويميز: روح و عروس كلakil  
 ديرلار و انكلاغان كلakil ديسون و اوساغان كلاسون و خواه لاغان  
 تيريكلىك سويى نى پل سز السون (مكاشفات يوحنا ۲۲: ۱۷) تولاسى  
 دعوت نى قبول قىليب مشرق دىن و مغرب دىن شمال دىن و جنوب دىن گروه  
 لار كىب دنيا بنا قىلينيما سدىن ايلكرى طيار قىلينيغان پادشاه ليق نى ميرات  
 الورلار. خوشحال عالميده تورغان لار باره سيدة و اولار نينك احوالى  
 باره سيدة ايتيلور: موندىن كىن كوردوم كه منا هر ملت دىن و هر قىيله دىن  
 و هر قوم دىن و هر تىل دىن هيچ كمرسه سانالمايدورغان تولا خلق  
 آق كىم كىب قول لار يده خرما شاخ لارى توتوب تخت نينك اليدا  
 و قوزى نينك اليدا توروب دورلار و اونلوك آواز برله قچقيريب  
 ايتور ايردىلار: نجات تخت ده اولتورغان خدا يىمىز نينك كى و قوزى  
 نينك كى دور و فرشته لار نينك همه سى تخت نينك چوره سيدة توروب  
 ايردىلار و شيخ لار و تورت حيوان لار تخت نينك اليدا اوز يوزلارى  
 نينك اوستىكا بقىليب خدا غه سجده قىليب ايتور ايردىلار آمين بركت



و جلال و حکمت و شکر و عزت و قدرت و قوت ابدلار نینک ابدی نجه  
 خدایمیز نینک کی دور آمین و شیخ لاردین بری جواب بریب ایی: بو آق  
 کیم کیکانلار کیم دورلار و قایدین کلیب دورلار و انکا ایتیم ای خواجم  
 سن اوزونک بیلورسن و اول منکا ایی: بولار اول چونک تارلیق دین  
 کلکانلار دورلار و اوز ایکی نلارینی بویوب کیم لارینی قوزی نینک  
 قایدی آق قیلیب دورلار مونی نینک او چون خدانینک تختی نینک الیدیدا دور  
 لار و کچه کوندوز انکا بیتیده عبادت قیلورلار و تختده اولتورغان  
 اولار نینک اوستیده ساکن بولور تختی آچ بولماس لار و تختی اوساماس لار  
 و افتاب و نه بر ایسیق نرسه اولار نینک اوستیکا اورماس چونکه  
 تخت نینک اوتراسیدای قوزی اولارنی باقیب تیریک سو بولاق لاریغه  
 باشلار و خدا اولار نینک همه کوز یاشلارنی سیلار (مکاشفات یوحنا  
 ۱۷-۹:۷) مونی نینک برله جماعت نینک کلادورغان جلالی نی کورورمیز  
 و هر کیم شو پادشاه لیتقه کیرکالی خواه لاسه کناه دین پاک بولسون.  
 تریکلیک درختیکا اولار نینک حتی بولوب دروازه لاردین شهر کا کیرماک  
 او چون اوز کیم لارینی یویادورغانلار مبارک دورلار (مکاشفات یوحنا  
 ۱۴: ۲۲).



کاشغر شهریدای فوینک تانک نینک باسمه خانهدیده باسیلدی







